

# السامري الصالح

لوقا 10 : 25 ل 37

ربنا يقول (تحب قريبك كنفسك) ... لكن يا ترى مين هو (قريبى) و أحبه إزاي؟ تعالوا نفهم

من الكتاب المقدس

لوقا 10 : 25 ل 37

و إذا ناموسى قام يجزبه قائلاً: «يا مُعَلِّم، ماذا أعمل لأرث الحياة الأبدية؟» فقال له: «ما هو مكتوب في الناموس. كيف تقرأ؟» فأجاب و قال: «تحب الرب إلهك من كل قلبك، و من كل نفسك، و من كل قدرتك، و من كل فكرك، و قريبك مثل نفسك». فقال له: «بالصواب أجبت. افعل هذا فتحيا». وأما هو فإذ أراد أن يبرر نفسه، قال ليسوع: «ومن هو قريبى؟»

فأجاب يسوع و قال: «إنسان كان نازلاً من أورشليم إلى أريحا، فوقع بين لصوص، فَعَرَّوه و جرحوه، و مضوا و تركوه بين حي و ميت. فَعَرَّضَ أَنْ كَاهِنًا نَزَلَ فِي تِلْكَ الطَّرِيقِ، فَرَأَهُ وَ جاز مقابله. و كذلك لاوي أيضاً، إذ صار عند المكان جاء و نظر و جاز مقابله.

و لكن سامرياً مسافراً جاء إليه، و لَمَّا رآه تحنن، فتقدم و ضمّد جراحاته، و صبّ عليها زيتاً و خمراً، و أركبه على دابته، و أتى به إلى فندق و اعتنى به. و في الغد لَمَّا مضى أخرج دينارين و أعطاهما لصاحب الفندق، و قال له: اعتنِ به، و مهما أنفقت أكثر فعند رجوعي أوفيك.

فأى هؤلاء الثلاثة ترى صار قريباً للذي وقع بين اللصوص؟»

فقال: «الذي صنع معه الرحمة». فقال له يسوع: «اذهب أنت أيضاً و اصنع هكذا».

الملخص

ربنا يسوع ابن الله و مخلص العالم .. لَمَّا جِه على الأرض كان عايز يعلم كل واحد ربنا عايز إيه و

♥ فكان في أي فرصة بيعلّم الناس عن قلب ربنا و محبته

😊 في يوم من الأيام جه خبير في الناموس عشان يجرب ربنا يسوع و يمتحنه

? سأله: يا مُعلّم، أعمل إيه عشان أورث الحياة الأبدية؟  
 طبعاً هدف سؤاله ماكانش المعرفة بل إنه يشوف يسوع هايقول إيه فيدكم عليه: هل تعليمه  
 ماشي مع الناموس بالظبط ولا لأ؟

🔑 يسوع جاوب بحكمة و بساطة: وصايا ربنا في الناموس بتقول إيه؟  
 لأن كلمة ربنا صالحة لكل زمان و مكان ... لكن المهم الفهم الصح و التطبيق الصح

✚ الرجل جاوب: تحب الرب إلهك من كل قلبك، و كل نفسك، و كل قدرتك، و كل فكرك و تحب قريبك  
 كنفسك

👍 يسوع قال له: صح كده، إعمل كده و انت تخلّص  
 يعني المهم إننا ننقذ كلام ربنا، مش بس نكون عارفينه

! الرجل سأل: مين هو (قريبّي)؟  
 ده السؤال الأهم اللي بيقول هو فاهم الوصية إزاي ... الكتاب المقدس بيقول إنه كان عايز يبزر  
 نفسه (يعني كان عايز يبزر إنه مش بيحب بعض الناس لأنهم لا ينطبق عليهم كلمة (قريبّي))

ربنا يسوع ردّ بقصة عشان يفهمهم إن كلمة (قريبّي) دي تشمل الكل حتى الأعداء

🚶 رجل يهودي كان مسافر من أورشليم لأريحا  
 طبعاً أورشليم هي رمز للكنيسة و حزن ربنا، بينما أريحا هي مدينة الشر ... و الراجل ده بيمثل  
 الناس كلها اللي بعدت عن ربنا و مشيت في طريق الخطية

👤 و في الطريق هاجمه لصوص و سرقوه و خدوا لبسه اللي عليه و ضربوه و سابوه بين الموت و الحياة على جنب الطريق  
 دول رمز للشيطان اللي بيصطاد الإنسان اللي بيبعد عن ربنا و يبهدله خالص

👤 عدّي عليه في الطريق كاهن بالصدفة ... بس لّمّا شافه مساعدوش و عدّاه و كمل  
 ربنا يسوع غلّط الكاهن في القصة عشان الكهنة و المتديّنين اليهود في الوقت ده كانوا مهتمين  
 ببعض التقاليد و هاملين تماماً وصية الرحمة و المحبة

👤 بعد كده عدّي عليه لاوي, (ده زي شماس دلوقتي) ... لكن هو كمان مساعدوش و كمل  
 طريقه  
 يعني الخدمة لازم تبدأ من الكهنة و الشمامسة طبعاً ... الشماس اللي حياته مش زي ربنا يسوع  
 (زي اللاوي اللي هنا ده) غلطان جداً

👤 بعد كده عدّي عليه واحد من السامرة .. و اليهود كانوا بيحتقروا السامريين و بيكرهوهم و  
 مش بيتعاملوا معاهم  
 السامري ده يمتل ربنا يسوع ... اللي اليهود رفضوه و احتقروه لكن هو المخلص و الفادي اللي  
 قلبه كله محبة

👤 لّمّا شافه السامري, قلبه تحنّ عليه و راح له ... طيّب جراحاته بالزيت و الخمر و ضمّدها ... و  
 ركّبه على حماره و وّضله لفندق و اعتنى بيه  
 هنا عمل الرحمة: قلب يتحنّ و بعديه فعل رحمة يساعد و ينقذ الشخص المحتاج

👤 و ثاني يوم دفع دينارين لصاحب الفندق و قال له: اهتم بالرجل ده و لو احتجت مصاريف أكثر أنا  
 هادّيك لّمّا أعدّي عليك المرّة الجاية  
 الفندق ده هو الكنيسة ... و اللي شغالين في الفندق هم الخدام اللي لازم ياخذوا بالهم من ولاد  
 ربنا, و ربنا هايكافئهم

يسوع سأل: مين في القصة كان (قريب) للرجل الغلبان؟ رد الناموسي: الرجل اللي أظهر له الرحمة. يسوع رد: صح كده .. روح اعمل انت كمان كده  
يعني هو ده الدرس اللي ربنا عايز يعلّمه لينا: *نعمل زي السامري الصالح (ربنا يسوع)*

## المكان

الطريق من أورشليم لأريحا

## الشخصيات

- الناموسي
- ربنا يسوع
- الإنسان اللي اتضرب
- اللصوص
- الكاهن و اللاوي
- السامري الصالح
- خدام الفندق

## تعالى نفكر

ربنا عايزنا نحب كل الناس و نعمل أعمال رحمة مع كل الناس (حتى أعدائنا) .. زي ما ربنا يسوع عمل ... دي أهم وصية و أهم حاجة عند ربنا

## المصدر:

قناة Saddleback Kids